



## Universitätsbibliothek Paderborn

**EPISTOLAE TRES AD || D. IOANNEM PAPPVM ||  
THEOLOGVM LVTHE-||RANVM:|| PRIMA, Excitoria, cùm in  
seruando iureiurando Emetingæ facto, ne-||gligentior  
esset Pappus.|| SECVNDA, Refutatoria Parallelorum ...**

**Pistorius, Johann**

**COLONIAE, 1594**

**VD16 P 3042**

Reverendissimo Et Illvstri Domino, D. Iacobo Fvggero Baroni In Kirchberg  
Et Weissenhorn, Ecclesiæ Cathedralis Constantiensis Præposite Domino  
suo officiosiſimè colendo, S.P.

**urn:nbn:de:hbz:466:1-43314**

REVERENDISSIMO  
ET ILLVSTRI DOMINO,  
D. IACOBO FVGGERO BARONI  
IN KIRCHBERG ET WEISSENHORN,  
ECCLESIAE CATHEDRALIS CONSTAN-  
tienſis Præpoſite Domino ſuo officio-  
ſiſſimè colendo, S. P.

VRAVERAT Emetingē Pappus  
Doctor Lutheranus, Reuerendissi-  
me & Illuſtris Domine, in Iacobi  
Principis optimi, Badenſis Marchi-  
onis & Theologorum qui vtrinque  
ad diſputandum delecti erant, con-  
fessu publico: niſi in omnibus Lutheranum fuiffe  
Sanctum Auguſtinū ſine iniuria & vitio common-  
ſtraret, Catholicum ſe futurum cōtinuò & facturum  
à Lutherana ſecta diuortium. In eo cùm h̄eret pau-  
lo diutius & præſtitutum tempus præterfluxiſſet, re-  
uocauit in prima Epiftola bonum virum ad memori-  
am promiſſi: & commonui ut tam ſancte iuratum  
iuſiurandū temere non relinqueret. Postquam igi-  
tur egrē tandem ſe ex vetero fufcitans, Parallela, fu-  
neſta Pappo & exitiosa Lutheranis parallelā non ad  
præſtandum iuſiurandum, ſed ad errorem atque fu-  
cum obijciendum ciuibus in publicum retulifſet:  
aſſiti ſtatim ad latus: & tum mendacia Præfationis in  
fauces authoris reieci, tum infelicem miſerrimo-  
rum & lamentabilium Parallelorum partum nihil

\* 2 attine-

E P I S T O L A

attinere ad id, quo Emetingæ se Pappus obstrinxerat, ostendi in Epistola secunda: ideoque cùm de S. Augustini & Lutheri consensione rem desperatam esse videret, cohortatus sum vt deflectens ad alteram iurisiurandi partē, consociaret se cum Ecclesia Christi, ne fidem & animam & conscientiam & sectam in maximam proijceret perpetuamque despicationem: & vt boni honestiique viri cognomentum retineret: simulque Epistolas duas sub totius mundi conspectum subieci vt altius in animo infigeretur stimulus. Interim cùm per inconsiderantiam Typographi multa menda inter imprimendum intercurrissent: & Pappus implicatus detestabili bello, præterfluere annum rursus integrum sineret: ego verò præsentirem Pappum, si quando comparatus se ad responsum esset, in eo vno viribus omnibus laboraturum, vt vel S. Augustinum in aciem retrudet, vel alium superiorum ætatum scriptorem pro se nominaret: præfertim cùm ego in calce secundæ Epistolæ, nouum bellū fecissim Lutheranis, & simpliciter negassim, fuisse ullum vñquam hominem, maiorum vel minorum gentium, senem, iuuenem, infantem, virum, foeminam, orthodoxum, hæreticum, qui post Apostolos vsque ad nostotam Lutheranæ inconstantia voraginem & fidei mutabilitatem simul credidisset: visum fuit Epistolas priores duas de nouo cōmittere prælo: & addere tertiam: in qua ad anteuerendum Pappum percurrerem generatim seculorum omnium Doctores præcipuos sub quo-

D E D I C A T O R I A.

quorum hactenus patrocinio in religionis similitudine latere voluerunt Lutherani: & remotione universorum, verum esse paulò clariori lumine docerem quod obscurius proposueram in Epistola secunda. Inde igitur natus hic fuit labor tertius: quem fateri debeo quāquam pro summo studio meo contendi ut intra epistolæ modum consisteret, & tantum initia complectetur futuræ maximæ pulcherrimæque concertationis, tamen amplitudine materiæ & numero scriptorum, & Lutheranorū in quaerendis diuerticulis immoderatione sic creuisse, vt propemodum ad iusti libri speciem & molem perueniret. Nec, vt spero, reprehendet quisquam qui ad fructū respiciet, quem inde, cùm quæ hīc inchoata sunt, ad absolutam aliquando perfectionem & ad pleniorum aspectum expolientur, capiet non solum Pappus sed tota hæreticorum societas: cùm delectæ ab omnibus sectæ deformem nuditatem & incredibilem nouitatem apertis oculis conspicati, execrabuntur ipsi turpitudinem & sine tritis inutilium disputationum recta via progredientur ad inquirendam & sequendam Ecclesiam Christi.

Multæ à Deo positæ & signatæ in scriptura & tritæ vestigijs maiorū & relictae in exemplis S. Patrum sunt viæ quibus vti ad conuertendos hæreticos possumus: scriptura: miracula: concilia: sanctimonia veterum doctorum: perpetuitas Ecclesiæ & antiqua per omes ætates constantissimè progressa intelligentia scripturæ: sed inter istas sententia omnium

E P I S T O L A

qui præstantiam consecuti in iudicando sunt, antecellit via quæ ex Ecclesiæ & fidei sempiterna æquabilique conspiratione ducitur.

Scripturam Hæretici, animales homines, quales omnes esse necesse est, qui Spiritum sanctum in Ecclesia non participant, non intelligunt: eoque ad institutam de scriptura disputationem, ut præclarè Tertullianus consulit, tanquam cæci ad iudicium coloris vel affecti oculorum morbis ad aspectandum fulgorem solis adhiberi ad fruendam alienam possessionem non debent; cum in scripturis contra hæreticos, ut ille inquit, aut nulla aut incerta aut parum certa victoria consistat: non vitio scripturæ, sed libidine & abusione hæreticorum, qui furiosè negant: augent: despoliant: peruerunt: rumpunt: quicquid obsistere audaciæ eorum videtur.

Miracula quibus Christus testificari veritatem & illuminare fidem per Apostolos & Martyres voluit, Lutherani tanquam si quis quiliæ vel ludi Daemonum essent, criminosè despiciunt: nec vel dignitatem Conciliorum vel sanctitatem veterū Doctorum & Martyrum integrum esse patiuntur: Concilijs & Patribus omnibus tanquam hominibus anteponunt unum Lutherum, non hominem sed porcum & aprum depastorem vineæ Dei. Restat igitur extrema via: ducta quidem ex scriptura: & cum hac consentiens: tamen tanto securior quô & magis in externos sensus incurrit, & in tot sanctorum pedum ante nos factis impressionibus & defixis atque constitu-

D E D I C A T O R I A.

stitutis errare neminem sinit: quam Theodosius senior incredibili prudētia summaque religione Cæsar post frustra tentatas vias alias (*apud Socratem lib. 5. capite 10. & Sozomenum lib. 7. capite 12.*) aptissimam ad reprimendos hæreticos esse, tum institutione Sisinnij, tum euētus felicitate sensit: ut nimirum non laqueis disputationum, in quibus ad elabendum apertas habet rimas quamplurimas, & ex importuna tractatione scripturæ & occultatione veneni cum accedit garrulitas, multò faciliùs in animos simpliciorum influunt, sed nudè & tantùm antiquis sententijs antegressæ Ecclesiæ & sanctorum Patrum astrin-gantur: quod tum Cæsar, cum fecit, quos priùs appositis acutissimis disputatoribus superare non potuit, fregit deinde & disiecit sola superioris Ecclesiæ & luminum qui in ea fuerunt authoritate: ut, cum traditam à S. Patribus, quorum conuellere magnis radijs Spiritus sancti lucentem honestatem non audebant, & perpetuatā in Ecclesia Christi doctrinam vel timidè susciperent vel apertè repudia-rent eo ipso clarissimè liqueret esse hæreticos & hostes Christi & aduersarios Ecclesiæ & procreatores nouarum fatuitatum. Nec aliena est à sacris literis istiusmodi progressio: iaceret tota scriptura, nec Deus esset Christus nec scriptura veritas: si ante nos interiecta longinquissima temporum intercapidine Christus non fuisset cum Ecclesia: non misisset Spiritum sanctum, qui veritatem omnem traderet: non dedisset Pastores, qui sanctos consummarent,  
& sub-

E P I S T O L A

& subirent ministerium, & prædicarent Euangeli-  
um: nō reliquisset discipulos, qui palam contra mi-  
nas omnes & ferocias mundi confiterentur religio-  
nem & laudarent Dominum religionis authorem.  
Tantò igitur, vt dixi, vltima via tutior est: quod &  
nititur scriptura, & ex illa fluit & positis exēplis mul-  
titudine ēque testium, & relictis signis, nostro respe-  
ctu facta est testatior & minùs implicata inuolucris  
erroris, & planior.

Quę etiam me causa permouit, vt ad aperiendos  
hæreticorum oculos, & ad ostendendam perspicu-  
am falsitatem, in viam me directiorem & luminosi-  
orem contra Pappum darem: & non quidem iam  
totum negocium momentis & partibus omnibus  
plenissimè conficerē: fiet enim postea cùm in con-  
flictū veniemus: tamen sic delinearem, vt quisque, si  
vellet, ex seminibus, quæ hīc iacta sunt, speciem ab-  
solutam exprimere, & ex omniū Patrum & Scripto-  
rum libris scire posset, cùm nullius Ecclesię testimo-  
nio, quæ per annos mille quingentos, vel notata o-  
culis, vel animaduersa auribus, vel inscripta in libris,  
memoriā, recordationemque nominis sui relique-  
rit, & cum nullius hominis sententia, & ne quidem  
cum Hussio cohærere sectam totam Lutheranam:  
eoque non posse veram esse, & Christi doctrinam.  
Nec expectare volui, dum respōderet Pappus: quia  
quid propositurus esset, liquidò constabat, prius-  
quam in manus calamum sumeret. Nec in hac tan-  
tum Epistola applicatam meam ad probandam er-  
roris

D E D I C A T O R I A.

roris Lutherani nouitatem, apparere sinam occupa-  
tionem: nec tantum in Scriptoribus, quos nomi-  
nauis, ostendam dissimilitudinem: faciam in libris  
omnibus, & de authoribus omnibus temporum &  
locorum omnium, quoscunque nobis obijcient: &  
semper concludā, NVLLVM PER QVIN-  
DECIM AETATES Catholicum, hereticum,  
infantem, puerum, iuuenem, senem, virum, fœmi-  
nam, Eunuchum, Hermaphroditū, nullam urbem,  
villam, domum, casam, solitudinem sensisse & cre-  
didiſſet totum illud, quod per infinitas mutabilitates  
sensit & credidit, vel potius variauit, & dubitauit  
Lutherus.

Sub amplissimo verò nomine tuo, Reuerendissime & Illustris Domine, cùm Epistolam, tum apposita ad Epistolam Parallelam de perpetuo articulo-  
rum omnium inter Hussium & Lutherum dissen-  
ſione, in apertū proferre volui: non solūm ut quan-  
tum pro singularis clementiæ summæque propen-  
ſionis significationibus & fructibus quam pluri-  
mis & tibi & illustribus generosisque viris, Domi-  
no parenti & fratri, Domino Christophoro, domi-  
nis obſeruandissimis meis deberem, publico testi-  
monio declararem, & aliquam pro tenuitate mea  
referrem gratiam: sed etiam ut Theologicū & tem-  
peſatibus atque procellis hereticorum propositum  
& inter perpetuas peregrinationes & occupationes  
penè non scriptum sed effusum librū tibi Sacerdoti  
maximo & affluentí extera potētia defendendum

\*\* trade-

EPISTOLA DEDICATORIA.

traderem: & in eo consuetudinem imitarer, institutumque nostrorum hominum, qui libros tuos recte septos praesidio, & munitos auctoritate putat, cum in Fuggerorum sunt patrociniu tanquam in celeberrimum tutissimumque portu recepti. Nihil enim amplius vel de illustri tota familia vestra, cuius splendor non inclusus in una prouincia, sed per Germaniam, Italiam & Hispaniam peruagatus, in iuersum terrarum orbem lumine suo copleuit, vel de praestantia, liberalitate, intelligentia literarum & linguarum, exquisito iudicio, & virtutibus reliquis tuis, quae ipsae sine externa laude se gloriose sustinent, hoc loco dicam: ne adulari videar. Tantum rogabo, ut audaciam meam in dedicando libro interpreteris in partem optimam, & gratia mea librumque meum complectendum putas. Deus vicissim & gentem amplissimam tuam & te circumfluentes honoribus & dignitatibus, & optabilibus rebus omnibus, tum hic ad Religionis Catholicae & patriae communis in columitatem conferuet, & augeat: tum aliquando post longissimam felicis vitae usuram mortuos in caelestem sanctimoniam ad fruendam aeternam beatitudinem recipiat. Ex Constantia Calendis Martij Anno xciiii.

*Rdmam & illustrem D<sup>m</sup>  
tuam*

*officiosissime colens*

*Ioannes Pistorius Nidanus  
S. S. Theol. D.*